



słowo tygodnia

ŁAHODNJE RĚKA

čo. 33

- a) mjelčo
- b) něžnje, kedźbliwje
- c) w nalěću

Prawa je wotmołwa **b**.

Łahodnje woznamjenja z wulkej kedźbliwosću, něžnje. Hdyž něšto łahodnje prajiš, potom činiš to ze słowami, kotrež njeranja a njesu překrute. A jeli so někoho na přikład łahodnje dótknješ, wón abo wona to lědma pytnje.

Takle móžeš tež prajić:

- zlochka, něžnje, kedźbliwje, čućiwyje, wobhladniwyje

Připódlu prajene:

Dalša móžnosć zwuraznjenja je słowo *złaha*. Kaž pisa Jakub Bart-Ćišinski w basni »Hwězdow móc«: *Přez čišinu słyšiš złaha so hibać křidła jandželow.*

Přikłady z rěčneho korpusa:

Ale štož kritikarja, *łahodnje* prajene, džiwa: Wo politiskich wobstejnosćach našeho časa a našeho kraja njepisa – nchtó. (Serbske Nowiny 2008)

Nošachu rajs a mjaso z chinskim mjenom, kiž jara *łahodnje* a cuzy słodžeše. (Angela Stachowa, Nahła zyma. Budyšin 1984)

Marija nětko pod blidom *łahodnje* wo jeje črij storči. Njehladaj tak njepřečelnje, dyrbyeše to rěkać. (Měrka Mětowa, Škleńčane dny. Budyšin 2002)